

آبونه شرائطی : هریر ایچول
سنه لکی (۴۰۰) آلتی آیلنی
(۲۲۵) ممالک اجنبیه ایچون
سنه لکی (۴۵۰) ، آلتی آیانی
(۲۵۰) غروشدور .

نسخه سی ۷,۵ غروشدور .
سنه لکی ۵۰ عدددر .

اداره خانه : باب عالی جاده سنده
رشید افندی خاتمه

اخطارات

آبونه بدلی پشیندر .

مسلكه موافق آثار مع الممنونیه
قبول اولتور . درج ایدله یین
یازیلر اعاده اولماز .

تذکره

آدره من تبدیلنده ایریجه
غروش کوندربلیدر .

مکتوبلرک امضاری واضح
واوقوناقلی اولسی و آبونه
صره نومروسی محتوی
بولونسی لازمدر

ممالک اجنبیه ایچون آبونه
اولانلرک آدرسلیرنک
فرانسجه یازلسنی رجا اولتور .

پاره کوندردلیکی زمان نهیه
داثر اولدینی بیلدیرلسی
رجا اولتور

اتبعون اهدکم سیل الرشاد

صاحب و مدیر
اشرف ادیب

باش محرر
محمد ماکف

والله یهدی من یشاء الی صراط مستقیم

* پنجشنبه *

۱۰ کانون ثانی ۱۳۴۰

۳ جادی الاخری ۱۳۴۲

عدد ۵۸۳

جلد ۲۳

روسیه ده کتب دینیہ نیک ممنوعیتی

(لهستان) ک مقراداره سی اولان (وارشووا) دن ژورنال غزته سنه چکین برنلغرافامه مآله نظراً، روسیه ده امورسیاسیه اداره مرکزیہ سرکارنده بولونان مشهور (لنین) ک زوجہ سی مادام (قروپس قایا) کتبخانہ لک تفتیشنه طأد اوله رق برتعمیم نشر ایتیش ووند. عمومی کتبخانہ لردہ سوویت حکومتک تعقیب ایتیمکده اولدینی اساسی عمده لره موافق اولمایان آثارک بولوندرولماسنی امرایتمکله برابر برده کتب ممنوعہ نیک اسامیسی مین برجدول لفایله مش. بوجدولک اک باشنده موجود ومتداول انجیللره برابر قرآن کریم، موسویلرک احکام ونقول دینیہ سی حاوی اولان (تلود) مجرر اولدینی کبی فلاسفہ قدیمه ومتأخرین حکمادن (افلاطون)، (دقارت)، (شوپنهاور)، (اسپنسر)، (نیچه) کبی عاطفک آثاری، حق ذوات مذکورہ نیک تکاملات فکریہ سندن باحث تراجم احوال کتابلری، مشهور (قارلیل)، (صولوویف)، (قروپاتکین)، (اوتنومیرو) ومشهور روس حکیمی (طولستوی) ک مخلصاتی ده بولونمقدمه و آثار مذکورہ نیک درحال محو واقفا ایدیلرلری ده نتیجه اوله رق بیلدیرمکده ایتیش.

بونقره مناسبتیه احد راسم بک (کتب ممنوعه) حقنده وقت غزته سنده خیلی تفصیلات ویردکدن صوکره دیورکه:

«رسالت نبوی اوائلده (مکه) ده قرآن کریمی جهراً او قومق تهلکلی ایدی. فقط اصحاب، حفظ ایدرلردی. جناب (فاروق) ی ایمانه کتیرن ده کیزلی او قومق نتیجه سی دکلی ایدی؟

افکار بشریه نیک نشر وتعمیمنده یازمه، باصمه اصوللرندن، غزته لردن، تلغرافلردن، تلفونلردن، تلسزلردن بک چوق اول (تله بانی) دیلین طیبی ناقابل منع بر مجاذبه حسیه وفکریه انتقالی موجود ایدی. هر بک بر مصراع، بیت، بر فکر ایچون (نوارد) دیدیکی احتیساسات عینییه رد وانکار ایتیمک ناصیل ممکن ولور؟ انسانلرده عینی تأثیرلر، عینی تأثیرلر کثراً عینی تحسسلری ایفاظایدیر. ذمی، حسی برلکلر، اربابی اسکی ضروربدن اولدینی اوزره (بغداد) ده اولسه کلیر، بولور.

ذات مسئلهیه (منع) اصلاً تأثیر یتیز. تربیه اصولک توسیعی، امرجه وطایعه حسن تطبیقی تأثیر ایدر. هر هانکی پرنسیپ ایچون اولورسه اولسون آنی منتظم بر تربیه اصولیه روحلره، ذهنلره القا ایتیمک قادار، او پرنسیپه طأد مخالفتی کوکندن قوپاروب آتہ حق بر مؤثر یوقدر.

علوم وفنون، صنایع تاریخلری مطالعه ایدیلسین، آنلرده حکم ایدن مؤثراتک شدت رواج وتعمیمنه طرز استبداد، یعنی (منع) ک خیلی مدخلی اولدینی کورولور. هر نه دورلو مقصد، مسلك، پرنسیپ

اولورسه اولسون، آنجق طرز اقناع ایله بر صورت مصلحانه ده ترویج وتعمیم ایدیلر. (اطماع) اکثریتله عدم موفقیته، حق عکس العمله منجر اولور.

انگلزہ اسلامک اک بویوک دشمنیہ

(دہلی تلغراف) غزته سنه (لله آباد) دن ویریان معلومانه کوره هند خلافت جمعیق سنوی قونفره سی عقد ایتیشدر. خلافت قونفره سی مولانا (شوکت علی) نیک ریاستی آلتنده طویلانمش، مومی ایله اراد ایتدیکي نطق اقتساجیده انگلیز ملنک، اسلامک اک بویوک دشمنی اولدینی بیان ایتدکدن صوکره دیمشدرکه:

«— بو کون حکومتک وایمپراطورلنک آچیقندن آچیفه دشمنییم. حکومتک آدملری کری آلماسنی اخطار ایدرکن اوکا آچی بر زهر ویرمه یوز. انگلیز ایمپراطورلغی وموجودیت ملیه سی قورتارہ حق نصیحتلر ده میان ایدیوروز.»

بعده شوکت علی افغانستانه (داس) کبی، محمد علی کبی وسائرہ کبی صلحچورر رؤسانک کوندرلسی لازم کلدیکنی، بونلر دواملی بر صلح عقد ایدیلر جکلری، فقط انگلیزلر مجاور هر هانکی بر ملکته اعلان حرب ایدر جک اولورلر ایسه بو حربی انگلیز عسکرلرینه وانگلیز خزینہ سنک حسابنه اجرایه مجبور اولدقلری بیان ایتیشدر. هندستانده انگلیزلر طرفدن نشر ایدلمکده اولان غزته لر بو نطقلردن بک زیاده توحش ایتیمکده وهند رؤسای ملیه سنه تجاوز ایله مکده در. بونلردن (پوانیر) غزته سی دیورکه:

«هند استقلال طرفدارلری انگلتره ایمپراطورلغی بر قورصان دولت اولارق قتیح ایدیورلر وانک هندستانی یغما ایدرک فقر وضرورته دوچار ایتدیکنی سوبله یورلر. حال بوکه هندستانلیردن بری هندستانده انگلیزلر اولماسه، اونک خارجی تجاوزلره اوضرایاجفی وداخلی اختلافلر ایچنده خراب اولاجفی (ا) سوبله مشدی. استقلال طرفدارلری انگلیز اداره سی تلین ایدیورلر، حال بوکه دیگر طرفدن ده انگلیزلرک هندستانی ترک ایتیمسی احتمالنن تیرہ یورلر ا.»

(پوانیر) غزته سی مولانا (محمد علی) نیک ایرا ایتدیکي نطقده هندستان حکومتی بر سنه ظرفنده (غاندی) یی تخلیه ایتیز واستقلال داخلی براتی اعلان ایله مزسسه جمهوریت بایراغی یوکسلته جکلری بیان ایتیمسسه و (شوکت علی) نیک افغانستان ایله بر حرب وقوفی تقدیرنده هند عسکرلرینک حرب ایتیمیه جکلنی سوبله مسنه مقابل، بوکی بیاناتک خیانت وطنیه تشکیل ایتدیکنی یازمقدمه در.

سیدالرشادک هر قارئ لاقلا یکی کیشی یی دها بونه قیدایدرسه مجموعه منک نثری خصوصنده بک بویوک لطفده بولونمس اولورلر.

شہزادہ ہاشمی : اوقاف اسلامیہ مطبعہ سی